



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Septiceps Lvthervs, Vbique Sibi, Svis Scriptis contrarius,
in visitationem Saxoniam**

Cochlaeus, Johannes

Parisiis, 1564

De Bohemis, Hußitis, cap. 35.

urn:nbn:de:hbz:466:1-35803

*In Resolu-
tione conclu-
sionis 26.
Contra ma-
lignum Ec-
cē iudiciū.*

*In lib. 1. cō-
tra Zuin-
glium &
Occolampa-
dium.*

eiusdem potestatis. Et merito. Quid enim (inquit) vel ipsorum iudicio potest esse par huic impietati & blasphemix? Quoties deinde meminit honorificè Conciliorum in Resolutionibus suis? in Io. Eckium scribens, cum notatus esset, quod nihil teneret de Conciliis generalibus, ait, Hunc articulū non esse meū, credo (inquit) intelligit quicūque Resolutiones meas & Dialogum contra Sylvestrum legerit. Quādo id vnicè deploro ac gemo, nos dignos non esse, vt videamus legitimū Concilium. Et nunc tandem post longas Suermeritates vagāsque insanias, fatetur rursus contra Suermeros suos. Si diutius staterit mundus, iterum fore necessarium, propter diuersas scripturæ interpretationes, quæ nunc sunt vt ad conseruandam fidei vnitatem Conciliorum Decreta recipiamus, atque ad ea confugiamus. O virilem cuculli huius constantiam.

De Bohemis, Hussitis.

CAPVT XXXV.

IN disputatione Lipsica grauitè tulit Lutherus, velut contumeliam, quod D. Io. Eckius insimulabat eum Bohemicæ factionis studiosum, & plane patronum, dicens ibi publicè coram omnibus, nunquam sibi placuisse, neque inæternum placiturum esse, quodcunque Schisma inique faciūt Bohemi, quod

se autoritate propria separant à nostra unitate, etiam si ius diuinum pro eis staret, cum supremum ius diuinum sit. charitas & unitas spiritus. Itidem scripsit in Galatas suos capite sexto, quod eorum dissidium nulla possit excusatione defendi, quin sit impium & omnibus Christi legibus contrarium. Et in Schedularios Stolpenses (vt eos vocat) scribens, ait. Verùm Bohemi, nolo, præsumant, nec rideant omnes, propter hos duos aut tres rudissimos Sycophantas. Sunt alij (inquit) qui vnus speciei vsus suadeant melioribus documentis, quàm isti factores faciunt. Denique ad Nobilitatem Germaniæ prolixis ac tædiosis nugis consultat, modùmque præscribit, quomodo ad unitatem Ecclesiæ, & in vnã fidem per Legatos nostros reducendi sint Bohemi. At paulo post, mutata sententia, sic è sublimi superbæ & furoris sui solio pronunciat in Babylone sua. Si vtri sunt Hæretici & Schismatici nominandi, non Bohemi, non Græci (quia Euangelis nituntur) sed vos Romani estis Hæretici & impij Schismatici. Et in Assertione, Erraui (inquit) & hunc articulum reuocaui, & adhuc reuoco, in hoc quod dixi, aliquos Articulos Ioannis Husse esse Euangelicos. Quare nunc sic dico. Non aliquos, sed omnes articulos Ioannis Husse Constantiæ esse damnatos, ab Antichristo, & suis Apostolis, in

*In cõmentis
ad Gal. ca. 6*

*Ad nobilitatem Ger-
ma. cap. 24.*

*In cap. Bar-
byl. cap. de
Eucharist.*

*In Assertio-
ne art. 30.*

38
 Synagoga illa Satanæ, ex celeratissimis Sophi-
 stis congregata. Et in faciem tuam (inquit)
 sanctissime vicarie Dei tibi liberè dico, om-
 nia damnata Ioannis Hufs, esse Euangelica &
 Christiana, tua autem omnia prorsus impia &
 Diabolica. Hæc ibi. Nec his furiis & blasphe-
 miis contentus, maximè virulentum, & im-
 pium ac hostilem in Romanam Ecclesiam li-
 brum scripsit, postea ad Senatum Pragensem,
 sed parum gratiæ retulit. Si enim veniret Pra-
 gam, nihil certius ibi expectare posset, quam
 vltrices flammæ & palum acutum. Nunc co-
 gita tu (Illustriss. Princeps) quam honorifi-
 cum tibi futurum sit, vel apud Cæsaris Maie-
 statem, vel in generali Concilio, stare à parte
 Lutheri, quem & Hufsita, & Pighardi quoque
 ac omnes Hæretici antiqui, tum & noui Suer-
 meri sui reiiciunt & condemnant.

De Pighardis Vvaldensibus.

CAPVT XXXVI.

*De decem
 præceptis
 cap. I.*

IN Hæreticos istos maximè Barbaros plæ-
 runque inuectus est Lutherus, antequam in
 profundum peccatorum venit. Sic enim scri-
 psit in Declamationibus decem præceptorum.
 Verùm (inquit) ne Pighardi, Hæretici infæli-
 ces, suas partes à me adiutas confidant. Qui
 præ nimia ruditati nobis Theutonicis (super-
 bissimo fastidio indignati) imponunt, quod